

堅

瓠

集

堅瓠七集卷之二目錄

蔡夫啓題畫

三豪

弔妓蘓哥

詩禍得釋

九日題糕

取傷廉

魂歸賦詩

傳家清白

和香方

明目方

禽獸決錄

大都供奉女

虞邵庵詞

詩觸御史

謝方石程課

懶雲窩

洞花幽草

皆夢軒

對奕圖

香奩八咏

鞋盃詞

山歌翻詞

立春清江引

林坡詩諷

邱問對

色難容易

風流學士

此書四喜詩

賦詩贈妓

梅柳爭春

行舟八詠

花影集

王雪村

桃花士女

真箇銷魂

出題有礙

國學送胙

假髻篇

六同詩話

花朝

題芙蓉

解太紳對

雪村召凡

咏愁

太初咏沙

元末紅軍

韓信有後

鼠妖

倭子能詩

周文安前身

三傑四傑

化建室疏

白練裙

周張文畫厄

江湖巨盜

韓張士誠

詩却侍姬

活死人窩

王威寧詩詞

中原音韻

神童詠擔

海棠上杜工部書

堅瓠七集卷之二

長洲石農褚人獲學稼築輯

蔡天啓題畫

丹陽蔡天啓肇性高儻偶於尺素作平岡
老木極有清致因授李伯時令於餘地加
遠水歸雁作扁舟以載天啓自題曰鴻雁
歸時水拍天平岡老木尚寒烟付君餘地
安漁艇乞我寒江聽雨眠伯時嬾不能竟

他日王彥舟取去以示宗子戡卽取筆點
染如詩中意天啓見之愛其佳後泛舟宿
橫塘遇雨閉篷而卧夜不能寐聞歸雁聲
復爲詩云半野風煙入夢思殷勤作畫更
題詩扁舟卧聽橫塘雨恰遇江南歸雁時
又見其題三茅風雨圖云筆間雲氣生毫
末紙上風聲聽有無收得三茅風雨樣高
堂六月是冰壺亦琅然可諷也

三豪

石守道嘗作三豪詩謂石曼卿豪於詩歐陽永叔豪於文杜默豪於歌默有送守道赴太學六字歌其豪句云頭角驚殺蝦蟹學海波中老龍爪距逐出狐兔聖人門前大蟲推倒楊朱翟墨扶起仲尼周公一條路出甕口幾程身在雲中水浸山影倒碧春着花梢半紅默濮州人因此歌得在三

豪之列

弔妓蘓哥

穎妓劉蘓哥與悅已者密約相從而其母
禁之至若不勝鬱悵以盛春美景邀同韻
者聯騎出城登高塚相對慟哭遂卒晏元
獻戲題絕句弔之云蘓哥風味通天真恐
是文君向上人何日九原芳草綠一盃絮
酒哭青春

詩禍得釋

熙寧中鄭俠上書事作下獄悉治平時所
往還厚善者晏叔原幾道亦在數中俠家
搜得叔原與俠詩云小白長紅又滿枝築
毬塲外獨支頤春風自是人間客主管繁
華得幾時神宗見詩卽令釋出

九日題糕

劉夢得作九日詩欲用糕字以五經中無

之輟不復爲宋子京以爲不然九日食饅
有詩云鸕鶿館輕霜拂曙袍糗餼花飲闕分
曹劉郎不敢題糕字空負詩中一世豪遂
爲古今絕唱

取傷廉

紹興初臨安學帑被盜邏者夜搜溝中所
盜金在焉時府學生黃某立於傍遂錄送
府錄事忝軍強黻引滕元發俞洵作賦故

事乞俾之試府主張澄許之以取傷廉爲
題黃倉卒不能成文強潛代爲之其一聯
云門人竊屨何傷孟子之賢同舍誣金始
見直生之量張見之喜遂置不問

魂歸賦詩

史彌遠死已久一夕聞叩門聲曰丞相歸
舉家駭匿比入門燈火綵與升堂卽席子
婦皆出羅拜訊慰平生歷歷囑家事索紙

筆題詩云冥路茫茫萬里雲妻孥無復舊
爲群早知泡影須臾事悔把恩仇抵死分

傳家清白

宋陳蒙家世清白有布衣持紙扇來謁上
詩云出韻不駐思蒙以酸字爲韻令賦梅
花詩謁者輒應聲曰影搖溪脚月猶冷香
滿枝頭雪未乾只爲傳家太清白致令生
子亦辛酸蒙大悅留款而厚贈之

和香方

范蔚宗撰和香方其序云麝本多忌過
分必害沉實易和盈斤無傷零霍虛燥詹
唐黏濕甘松蘓合安息藹金捺多和羅之
屬並被珍於外國無取於中土反棗膏昏
鈍甲煎淺俗非惟無助於馨烈乃當爾增
於尤疾此序所言悉以比類朝士麝本多
忌比庾炳之零藹虛燥比何尚之詹唐黏

濕比沈演之棗膏膏鈍比羊玄保甲煎淺
俗比徐湛之甘松蕪合比慧琳道人沉實
易和以自況也

明目方

范武子嘗患目痛就張處度湛求方處
度因嘲之曰古方未陽里子少得其術以
授魯東門伯東門伯以授左丘明及漢杜
子夏邠康成魏高堂隆晉左太冲凡此諸

賢並有目疾相傳此方用損讀書一減惡
慮二專內視三簡外觀四旦晚起五夜早
眠六凡六物熬以神火下以氣徒蘊於胸
中七日然後納諸方寸修之一時近能數
其目睫遠視尺捶之餘長服不已洞見牆
壁之外非但明目亦能延年

禽獸決錄

卞田居彬宋高帝時爲平越長史險拔有

才而與人多忤數年不得仕進嘗爲枯魚
蝨虱蝸虫蝦蟇等賦以喻意賦蝦蟇云紆
青拖紫名爲蛤魚世以比令僕也科斗唯
唯群浮闔水維朝繼之役使如鬼比令史
諂事也又目禽獸云羊性淫而狼豬性卑
而率鵝性頑而傲狗性險而出皆指斥貴
勢羊淫狼謂呂文顯豬卑率謂朱隆之鵝
頑傲謂潘敞狗險出謂文度其險傲如此

大都供奉女

平江紀事致和改元七月之望士子楊彥
采陸升之載酒遊蓮塘舟泊橫塘橋下月
色明霽酒各半酣聞隣船有琵琶聲意其
歌姬也躡而窺之見燈下一姬自弄絃索
二人往見詢其所由曰妾大都樂籍供奉
女也以事至江南二人命取舟中肴核就
燈同酌求歌以侑觴則曰妾近冒風失音

不能奉命強之乃曰近日遊訪西子陳跡
得古歌數首敢奉清塵凡一歌角飲一觴
歌曰風動荷花水殿香姑蘇臺上宴吳王
西施醉舞嬌無力笑倚東窓白玉床又歌
吳王舊國水煙空香徑無人蘭葉紅春色
似憐歌舞地年年先發館娃宮又館娃宮
外似蘓臺薜蘿芊芊草不開無風日偃君
知否西施裙裾拂過來又半夜娃宮作戰

場血腥猶雜宴時香西施不及燒殘蠟尤
爲君王泣數行又春入長洲草又生鷓鴣
飛起少年行年深不辨娃宮處夜夜蘓臺
空月明又幾多雲樹倚青真越焰燒來一
片平此地最應沾恨血至今青草不勻生
又舊苑荒臺楊柳新菱歌清唱不勝春只
今惟有西江月曾照吳王宮裏人彥采曰
歌韻悠柔含悲聳愴固云美矣第西施乃

堅瓠集

卷二

八

房

亡人家國妖艷之流不足道也願更他曲
姬更歌曰家國與亡來有以吳人何苦怨
西施西施若解亡人國越國亡來又是誰
彥采曰此言固是然皆古人陳言有何新
聲傾耳一聽又歌曰家是紅羅亭上仙謫
來塵世已多年君心旣逐東流水錯把無
緣當有緣歌竟掀蓬攬衣躍入水中彥采
驚寤升之醉眠脚後翌日事傳吳下

虞邵庵詞

輟耕錄虞伯生在翰苑時宴散散學士家
歌兒郭氏順時秀唱今樂府其折桂令起
句云博山銅細裊香風一句兩韻名曰短
挂極不易作伯生愛其新奇席上偶談蜀
漢事因命紙筆賦一曲云鑾輿三顧下廬
漢祚難扶日暮桑榆深渡南瀘長驅西蜀
力拒東吳美乎周瑜妙術悲夫關羽云殂

天數盈虛造物乘除問汝何如早賦歸興
蓋兩字二韻比之一句兩韻者爲尤難云

詩觸御史

嘉靖中閩張嘉猷字獻叔嗜酒能詩有晉
人風致其俊句如獨憐芳草別共醉菊花
盃坐地流花氣征鞍拂柳絲俊雅可誦爲
龍泉教諭同鄉王應箕巡按浙中至處州
張欲王以出格之禮相待而王倨甚合府

縣學官而試之張勉強就試王以秋江晚
霽命題張落句云芙蓉最是無情物又向
前溪作晚陰王覽之大怒痛恨入骨蓋王
未遇時其母改節適人前溪故張辱之也
張竟畧最下考左遷

謝方石程課

謝方石鐸在翰林學詩自立程課限一月
爲一體如此月讀古詩凡官課及應答諸

作皆古體也李西涯嘗爲崖山詩內一聯
謝意不滿西涯以爲更無可易謝笑曰觀
子胥中似不止此最後曰廟堂遺恨和戎
策宗社深恩養士年謝笑曰微我子不到
此西涯又爲端禮門古樂府謝以爲末句
未盡善往復再四最後乃曰碑可毀亦可
建蓋棺事久乃見不見奸黨碑但見奸臣
傳謝不待詞畢躍然而起

懶雲窩

柯里西瑛耀卿學士之子有居號懶雲窩
用殿前歡調歌以自述云懶雲窩醒時詩
酒醉時歌瑤琴不理拋書卧無夢南柯得
清閒儘快活日月如攄梭過富貴比花開
落青春春去也不樂如何貫酸齋和云懶雲
窩陽臺誰與送巫娥蟾光一任來穿破遁
迹由他破一天星斗多分半榻蒲團坐萬

里鵬程挫向烟霞笑傲任世事蹉跎喬夢
符衛中立皆和之

洞花幽草

洞花幽草貫酸齋二妾名臨終有辭世詩
張小山伯遠字可以爲酸齋解朝曰君王
曾賜瓊林宴三十始朝天文章懶入編修
院紅錦箋白紵篇黃柑傳學會神仙叅透
詩禪厭塵囂絕名利逸林泉天台洞口地

肺山前學煉丹同貨墨共談玄與飄然酒
家眠洞花幽草結因緣被我瞞他四十年
海天秋月一般圓

皆夢軒

陳汝嘉扁其所居軒曰皆夢索陶九成宗
儀題爲賦詩云北窓高卧羲皇上不比南
柯太守衙塵世蕉陰方覆鹿山童竹葉自
敲茶黃梁旅邸空仙枕春草池塘卽謝家

萬事轉頭同一幻，恁來筠管忽生花。○又
調言長語夢軒一聯云：謝家兄弟池塘草，
商室君臣鼎鼐梅。

對奕圖

賦比興爲詩之正體，古人多有作比詩者。
元進士德興董仲可題明皇貴妃對奕圖，
云：內計縱橫勢已危，三郎何事不知機。祇
應一子參差以費盡神謀爲解圍。

香奩八詠

楊廉夫過杭訪瞿士衡時士衡從姪宗吉
尚少廉夫示以所作香奩八詠宗吉乃悉
和之其花塵春跡云燕尾點波微有暈鳳
頭踏月悄無聲黛眉顰色云恨從張敞毫
邊起春向梁鴻案上生金錢卜歡云織錦
軒窓聞笑語採蘋洲渚聽愁吁香頰啼痕
云斑斑湘竹非因雨點點楊花不是春廉

夫歎服曰此瞿家千里駒也

鞋杯詞

瞿士衡飲楊廉夫以鞋盃廉夫命宗吉詠
之卽作沁園春詞云一掬嬌春弓樣新裁
蓮步未移笑書生量窄愛渠儘小主人情
重酌我休遲醞釀朝雲掛量暮雨能使麴
生風味奇何須去向花塵留跡月地偷期
風流到手偏宜便豪吸雄吞不用辭任

凌波南浦惟誇羅袴賞花上苑祇勸金卮
羅帕高擎銀瓶低注絕勝翠裙深掩時華
筵殷奈此心先醉此恨誰知以呈廉夫大
喜命侍妓歌以侑觴

山歌翻詞

瞿宗吉聽妓月子彎彎之歌遂翻爲詞云
簾捲水西樓一曲新腔唱打油宿雨眠雲
年少夢休謳且盡生前酒一甌明日又登

舟却指今宵是舊遊同是他鄉淪落客休
愁月子彎彎照幾州

立春清江引

貫酸齋赴所親宴時正立春坐客以清江
引請賦且限以金木水火土五字冠於每
句之首句各用春字酸齋卽題云金釵影
搖春燕斜木杪生春菜水塘春始波火侯
春初熟土牛兒戲將春到也蒲座歎服

林坡詩話

黎林坡真明初名儒嘗以非罪謫戍遠左
同里馬某與焉黎蒙恩放回而馬獨不與
馬之兄一日盛席邀黎伯觴之妓皆絕色
黎聞之不往遺以詩曰錦瑟銀箏白玉卮
賞音元自有鍾期可憐孤雁長城外叫斷
南雲總不知其兄得詩爲之墮淚罷宴

邱間對

永樂中江南一太學需選京師見邸壁題
云客眠孤館夢魂常到故鄉來一日閣中
傳旨云人止斷掃形影不隨流水去有能
對者賞生忽悟壁間之句卽以奏對得授
右秩

色難容易

文皇嘗謂解學士曰有一書句甚難其對
曰色難解應聲曰容易文皇不悟起謂解

曰旣云易矣何久不對解曰適已對矣文
皇始悟色對容難對易爲之大笑

風流學士

解學士訪某駙馬不值公主聞其名欲觀
之隔簾使人留茶解索筆題曰錦衣公子
未還家紅粉佳人叫賜茶內院深沉人不
見隔簾閒却一團花公主怒其謔已遂奏
聞文皇曰此風流學士見他做甚

11-11-11

三

賦詩贈妓

江陰卞華伯榮未第時過常熟聞錢允輝
詩名往謁之謂閨者曰可語汝主詩人
卞華伯相訪錢訝何人自負如此適宴客
有妓令僕出語之曰賦贈妓詩一絕方接
見仍以艤降相爲韻卞不構思一揮而就
詩曰琵琶斜抱出艤艤貌與荷花雨不降
今夜彩雲何處宿空留明月照瀟湘允輝

見詩歎服倒屣迎入遂定交焉

梅柳爭春

仁和凌雲翰字彥翀元末領鄉薦明初任
成都府學教授嘗作梅詞霜天曉角一百
首柳詞柳梢青一百首號梅柳爭春見人
家昆季以閨牆析居者作沁園春詞以嘲
之曰樹上凌霄堂前紫荊秋來尙芳柰牝
雞晨語鵲鴦懽悴妖狐晝嘯鴻雁分行仁

智非周喜憂非舜一旦天倫忍遂忘如何
好望松楸感泣桑梓悲傷古今禍起專
房總一國猶然况一鄉家有婦人豈無長
舌世無男子誰有剛腸樹大枝分瓜熟蒂
落此語應非是義方聊書此要懲鑑戒不
在文章

行舟八詠

堯山堂外紀楊文理吳中純綺子也侈靡

善吟中歲貧甚與杜公序友善杜爲攸令
楊欲往謁之道里費趲趲久之楚有商於
吳者難楊曰爲我作舟行八詠卽載以往
題曰蓬檣篙櫓猶纜舵跳楊一揮而就其
詠蓬警句有數葉飽風淮浦晚一繩拖雨
洞庭秋詠櫓警句有分開水面秋烟冷斫
破波心夜月明楚商讀之躍然起敬與之
同往且厚贈之

花影集

馬崔窓浩瀾著花影集花影者月下燈前
無中生有以爲假則真謂爲實猶涉虛也
其中秋鵲橋仙云不寒不暑無風無雨秋
色平分佳節桂花香散夜涼生小樓上簾
兒高揭多愁多病閒憂閒悶綠鬢紛紛成
雪平生不作負恩人惟負了今宵明月又
落花滿庭芳云春老園林雨餘庭院偏惹

蝶駭鸞猜鵲紅皺白狼籍蒲蒼苔正是愁
腸欲斷朱箔外點點飄來分明似身輕飛
燕扶下避風臺當初珍重意金錢競買玉
砌新栽更翠屏遮護羯鼓催開誰道天機
繡錦都化作紫陌塵埃紗窓裏有人憐惜
無語托香腮

王雪村

王雪村字天碧幼攻詩與馬崔窓爲詩

友書有趙法里甲報吏名於有司撥授處
州府架閣庫役一日題馬一絕云一日行
千里曾施汗血勞不知天廐外誰是九方
臯書府門呆愚聞守召而詢曰汝曾爲弟
子員耶對以農民守奇之復試以南山晴
雪題雪村信筆呈云雪霽南山正坐衙瑩
然相對兩無瑕瑞光曉布三千里和氣春
生百萬家未可擁爐傾竹葉且須呵筆詠

梅花豐年有象皆侯德五袴歌謠徧海涯
守大喜遂集府佐諸子弟而館之命人代
其吏事一日太守至館見課簿有對云三
箇半鍾鍾半酒一邊雙陸陸雙星因擊節
歎曰有才如此不獲時位豈非命乎日得
親幸名聞士夫逮役滿歸杭杭運使聞而
請代文移視太守尤敬愛之雪村堅辭以
疾日與文士往來於湖山云

桃花仕女

西樵野記景泰中紹興上舍葛棠傳學能
文性豪放築亭於圃扁曰風月平分旦夕
浩歌縱酒自適壁掛桃花仕女圖棠戲曰
誠得是女捧觴豈吝千金夜飲半酣見一
姬進曰久識上舍詞章之雅日間重辱垂
念請歌詩以侑觴棠曰吾欲一杯一咏姬
乃連咏百絕棠沉醉而卧曉視書上不見

二
三
二
三
仲女少焉復在棠異而裂之因錄所記憶
者八首餘皆忘之矣梳成愁髻出簾遲折
得桃花三兩枝欲插上頭還在手徧從人
問可相宜 慙慙歌枕揅紗衾玉腕斜籠
一串金夢裡自家搔髻髮索郎抽落鳳凰
簪 家住東吳白石磯門前流水浣羅衣
朝來繫着木蘭棹閒看鷺鷥作對飛 石
頭城外是江灘灘上行舟多少難潮信有

時還又至郎舟一去幾時還
潯陽南上
不通潮却算將程歲月遙
明月斷魂清露
靄玉人何處教吹簫
山桃花開紅更紅
朝朝愁雨又愁風
花開花謝難相見
懊恨
無邊總是空
西湖荷葉綠盈盈
露重風
多蕩漾輕倒折
荷枝絲不斷
露珠易散似
郎情
芙蓉肌肉綠
雪鬟幾許幽情欲話
難聞說
春來倍惆悵
莫教長袖倚欄杆

真箇銷魂

故宋駙馬楊震有十姬皆絕色名粉兒者
猶勝一日招詹天游王宴盡出諸姬佐觴
天游屬意於粉兒口占一詞云淡淡青山
兩點春嬌羞一點口兒櫻一校兒玉一窩
雲白藕香中見西子玉梅花下遇昭君不
曾真箇也銷魂楊遂以粉兒贈之曰請天
游真箇銷魂也

出題有礙

安福張石磐蕭山爲南直提學按試廬州

孟子題出不受於褐寬博亦不受於萬乘之君視刺萬乘之君若刺褐夫後與宸濠往還械繫北上廬江知縣劉夢能其同年也因前爲屬官處非其禮某間嘲之曰公素有無君之心得此非誣張訝之劉曰公考廬州出刺萬乘之君可驗矣張不覺媿

田嘗有詩云沒馬淤泥路轉賒看山好與
濕雲遮僧房春盡渾無主開遍庭前木槿
花後事敗以爲詩讖

國學送昨

舊制國學春秋二祭各衙門昨肉皆國子
生押送正德中崔來鳳桐以歲貢卒業南
雍值送太常寺太常卿忽不相接崔投以
韻語曰吾聞千里能相見一見如何反相

之國子使非遠玉使太常辭豈徧悲辭七
科不第天留意四十無聞我自知不屑教
中承教誨退而修省是吾師太常卿得詩
亟延欸之

假髻篇

張東海弼作假髻篇諷刺時事詞曰東家
女兒髮委地日日高樓理高髻西家女兒
髮垂肩買粧假髻亦我然金釵寶鈿圍珠

翠眼底誰能辨真僞天桃忽下來春風假
髻美人先入宮當路銜之出爲南安太守
大同詩語

王景明之南京張東海贈之詩曰谷陽城
外送離船矯首南都思惘然一語煩君三
致意同鄉同志及同年冬官王偉以爲未
盡交游者乃益之曰同官同事同游者問
及都將此意傳因著六同詩話

花朝

花朝本二月十二日杭俗以二月十五日
爲花朝節園丁競以名花荷擔叫鬻音中
律呂黃子常賣花聲詞曰人過天街曉色
擔頭紅紫滿筠筐浮花浪蕊盡樓睡醒正
眼橫秋水聽新腔一回催起吟紅叫白
報得蜂兒知未隔東西餘音軟美迎門爭
買早斜簪雲髻助春嬌粉香簾底喬夢符

吉和詞云侵曉園丁叫道嫩紅嬌紫巧工
夫攢枝餽蕊行歌佇立灑洗粧新水捲香
風看街簾起深深巷陌有箇重門開未
忽驚他尋春夢美穿窓透閣便憑伊喚取
惜花人在誰眼底

郎瑛題芙蓉

嘉靖初郎瑛將遊南都有事於學官通教
諭葉相至召而言曰汝能作詩則行指亭

前芙蓉爲題瑛書一絕云名花不開艷陽
粧自向儒官傍晚涼莫道秋容顏色淡野
梅凌雪有天香葉知有爲故曰我欲題折
枝者瑛憤而口占曰天香國色美丰姿
是西風颭墜枝今日悲秋人見汝有何奇
句動吾師葉笑而放之逾二年其子索題
芙蓉扇面瑛感前事書曰莫向芙蓉怨不
平風塵自古困儒生當年錯恠淮陰少自

堅瓠集

卷三

美

漢

是王孫未有名他日葉見之謂瑛曰汝尙
記憶前事耶因出酒命酌痛飲而別

解大紳對

南京金水河玉闌干諸勝槩處解大紳八
歲時慨然有觀光之意胡子祺乃命對曰
金水河邊金線柳金線柳穿金魚口大紳
應云玉闌干外玉簪花玉簪花插玉人頭
衆大奇之

雪村召箕

于雪村善召箕仙每吟咏有窘阻則叩仙
積之一口與馬雀窓泛湖雀窓因請召之
箕既動雀窓問仙何名卽書曰有事但問
問畢告名雀窓曰有句云捧瑤觴南國佳
人一雙玉手人未有對箕卽書云趺寶座
西方大佛丈六金身箕運如飛復成一律
云此地曾經歌舞來風流回首卽塵埃王

孫芳草爲誰綠寒食梨花無主開郎去排
雲叫閨闔妾今行雨在陽臺裏情訴與途
東崔松栢西陵正可哀後書錢塘藕小小
敬和崔怨疇昔胡橋首唱已而寂然不動
二人稱賞久之

咏愁

洪武間張彥倫有咏愁詩警策可誦來何
客易去何遲半在胃中半在眉門掩落花

春去後窓含殘月酒醒時濃如野外連天
草亂似空中惹地絲除却五侯歌舞地人
間無處不相隨又成化中侯官林粹夫廷
玉有咏愁塞鴻秋詞云妬離情輾轉相違
逗巷羈懷來往閒交情對菱花怕照容顏
瘦數歸鴻難展眉峰皺秋風葉落時夜雨
燈昏候那其間淚濕杏羅袖

太初咏沙

郭功甫祥正在王荆公坐有一人展刺云
詩人龍太初功甫曰相公前敢稱詩人不
識去就如如此荆公曰請來相見旣坐功甫
曰賢道能詩只從相公請題是時有老兵
以沙擦銅器荆公曰可作沙詩太初不移
刻間誦曰茫茫黃出塞渺渺白鋪汀身過
跡平篆潮回日射屋功甫遂閣筆太初由
此知名東南

元末紅軍

中原紅軍初起旗上一聯云虎賁三千直
抵幽燕之地龍飛九五重開大宋之天其
後毛貴等橫行山東侵犯畿甸駕幸灤京
賊勢猖獗無異唐末張仲舉在都寄浙省
叅政周玉坡伯琦云天子臨軒授鉞頻東
南無地不紅巾鐵衣遠道三軍老白骨中
原萬鬼新豪士精靈虹貫日仙家談笑海

揚塵都將兩眼淒涼淚哭盡平生幾故人

韓信有後

樵書載廣南有韋土官者韓信之後也當
淮陰鐘室難作之時有客匿其孤求撫於
蕭相國相國作書致南粵尉佗佗素重信
又憐其冤慨然受託姓以韋者去其韓之
半也孤後有武功世長海甯受鐵券蕭相
國與尉佗書至今尙勒鼎彝昭然可考

鼠妖

成化二年長樂士人陳豐獨坐山齋見梁
上二鼠相聞忽墜地爲二老翁長可五六
寸對坐劇飲聲如小兒旣而有二女子歌
舞勸酬其歌曰天地小如喉紅輪自吞吐
多少世間人都被紅輪誤酒旣闌乃合爲
一大鼠向陳作拱揖狀而去又歌曰去去
去此間不是留儂處儂住三十三天天外

天王皇爲我養男女

倭子能詩

萬曆甲戌三月倭子三人隨破船漂至登
州其一能詩是日雨雪登守就以爲題倭
卽書云一夜東風勝北風鵝毛飛亂滿長
空梨花樹上白加白桃杏枝頭紅不紅鶯
問幾時能出谷燕愁何日化泥營寒水鎖
住鞦韆架路阻行人去不通

周文安前身

長寧周堯佐洪謨

正統甲子發解赴公車

舟泊邗江夜夢一人謂曰吾乃子前身也
前程萬里終身清要周問子何人曰吾友
崔山人也姓丁家維揚乙丑周榜眼及第
後官南京翰林以詩謂維揚太守三原王
恕曰生死輪迴事杳冥前身幻出崔仙靈
當年一覺揚州夢華表歸來又姓丁王得

詩甚訝集郡中耆老詢之羅文節曰友崔
山人名崔年君友丁宗啓之父官武昌遂
家焉伯氏登進士者三人友崔獨恬然布
素以詩名家元末隱居建文中没于成都
王以復周世以爲異如羊祜房琯之事云
三傑四傑

世知張良蕭何韓信爲三傑而不知諸葛
亮關羽張飛亦號三傑唐丞相宋璟版說

太子少傅源乾曜同日拜官明皇賜三傑
詩時號三傑宋程顥爲鄆縣簿張正甫爲
武功薄朱光庭爲萬年薄關中號爲三傑
明劉基徐達李善長亦號三傑又謝貞爲
臨洮府吏潘吉爲西寧行太僕寺吏皆善
詩文時解縉亦謫河州衛吏關中因稱吏
中三傑世知王勃楊炯廬照隣駱賓王爲
四傑而不知朱韓琦范仲淹富弼歐陽修

亦號四傑明高啓楊基張羽徐賁亦號四傑吳人張習曰國初以高楊張徐比唐之四傑故老言不惟文才之似而其攸終亦不相遠眉庵基盈川令終如一太史敬之幾同於賓王北郭賁雖不溺海卒於獄戶而非首丘來儀羽投龍江與照隣無異死生有命今古一轍又北地李夢陽濟南邊貢姑蘇徐禎卿信陽何景明世亦稱四傑

化建室疏

明錢塘張天錫錫居室爲同祿所燬作四
六短疏以予知識有云禿和尚只化凡夫
老癡儒惟求達士曾聞晉將軍爲戴逵造
室頗極富饒宋丞相爲康節買居務期寬
廣何昔賢之好事豈今日之無人敢希輪
奐之維新聊興土茨之苟合使我春誦夏
絃勝彼朝鐘暮鼓貯青風明月於無窮藏

奇書異畫以不朽是所望也惟善圖之不
數月而新室落成

白練裙

南城鄭應尼之文公車下第薄游長干曲
中馬湘蘭負盛名與王百穀諸公爲文字
飲頗不禮應尼應尼與吳非熊輩作白練
裙雜劇極爲譏調聚優唱演召湘蘭觀之
微笑而已時定襄傳司業某清巖訓士召

應尼跪廡下出一編擲地數之曰舉子故
當爲輕蛺蝶耶收以夏楚錢蒙叟云應尼
成進士傳公爲北祭酒介予往謝過崇禎
末余作長歌寄應尼有子弟猶歌白練裙
行人尙酌湘蘭墓應尼亦次韵却寄

周張文畫厄

周東村臣精繪事嚴介溪爲南吏部索畫
多不能應屬撫臣行遣幾有銀鐙之厄恐

要人屠間稍解猶追至南京作兩月壽委頓而歸孫餘陽爲河南憲怒張平山路不時見至誘之入授其左指以右手壽鍾植適左轄候孫懇之始解張感左轄恩殫力作四壽酬之文徵仲在史館姚涑楊惟聰丐壽不以禮文弗應輒流言曰文某當從西殿供事奈何辱我翰林爲三公皆因壽厄不特巧者拙奴而已

江湖巨盜

堯山堂外紀嘉靖甲辰有方士居萬安太平寺中短髮束鐵圈跛足執拐以行不言姓名能畫山水人物類吳小仙書除夕詩於壁曰長竿火炬照田間山寒歸來興未闌稚子送窮驚爆竹老妻學富出椒盤江湖朋舊皆爲鬼鄉里兒童半是官少日壯心猶尚在唾壺敲碎蜀花殘觀詩意斯人

固嘗期巨盜而亡命者也

悼張士誠

明兵破姑蘓張士誠就擒其妻劉氏率姬妾登齊雲樓自焚黨與無死難者有人賊絕句云虎闢龍爭既不能雞鳴狗盜亦何曾陳平韓信皆歸漢只欠彭城老范增

詩却侍姬

元統三年新喻傅興礪若金奉使安南宿

天使館中其國王以侍姬薦寢與礪以詩
却之曰夜宿安南天使館玉人供帳爛相
輝寶香爐起風過席銀燭花偏月照幃王
母謾勞青鳥至文簫先放綵鸞歸書生自
是心如鐵莫遣行雲亂濕衣

活死人窩

鄱陽道士胡道玄以一舟往來洪之東湖
扁曰活死人窩燕城成元章延珪爲賦詩

曰一住行窩幾十年蓬頭長日走如顛海
棠亭下重陽子蓮葉舟中太乙仙無物可
離虛殼外有人能悟未生前出門一笑無
拘礙雲在東湖月在天虞伯生亦賦詩曰
大海何曾著死人縱饒得活也逡巡中更
土底埋焦穀太白星前掃幻塵銀漢槎頭
成恍惚布帆船子弄精神太平歌裏無生
滅惟有胡笳拍拍真

王威寧詩詞

王威寧越詩粗豪震蕩雁門紀事曰雁門
關外野人家不養絲蠶不種麻百里全無
桑柘樹三春那見杏花簷前雨過皆成
雪塞上風來總是沙說與江南人不信只
穿皮襖不穿紗人謂曲盡大同風景○威
寧尤善詞曲偶遣懷作朝天子云燒蘿蔔
下茶宰鴛鴦剝鮓到惹得傍人罵人人罵

我是老庄家我就裏乾坤大萬古千秋一
場閒話說英雄是假你就笑我刺麻你說
我哈沓我做箇沒用的神仙也罷

中原音韻

泰定甲子秋高安周德清號挺齋著中原
音韻并起例以遺青原蕭存存未幾訪西
域友人瑣復初非同志羅宗信見餉復初
舉觴命謳者歌樂府四塊玉至彩扇歌青

樓飲宗信止其音而言曰彩字對青字而
歌青字爲晴吾揣其音此字合用平字聲
必欲揚其音而青字乃抑之非也復初因
驅紅袖而自用調歌曰買笑金纏頭錦得
遇知音可人心怕逢狂客天生沁組死崔
嵬碎琴不害礪德清聞歌大喜曰予作樂
府三十年未有如今日之遇二公知某曲
之非某曲之是也遂捧巨觴口占折桂令

一闋日宰金頭黑脚天鵝客有鍾期座有
韓娥吟既能吟聽還能聽歌也能歌和白
雪新來較可放行雲飛去如何醉睹銀河
燦燦蟾孤點點星多歌畢相與痛飲而罷
神童咏擔

脫脫當國有神童來謁自言能詩脫脫令
賦擔詩卽成絕句分得兩頭輕與重世間
何事不擔當蓋諷之也

海棠上杜工部書

新安張山來潮心齋聊復集中多游戲文
章其代海棠上杜工部書云某頓首上書
於工部執事某聞之暗芳疎影悲見棄於
三閭國色天香悵左遷於武后詞人動爲
扼腕逸士每與顰眉蓋空山搖曳芬芳雖
至千秋而名士品題聲價頓高十倍故我
輩素以得詩爲幸同儕皆以見賞稱榮恭

惟執事桂林一枝槐庭三樹忠孝溢於篇
章共擬葵心之向日詞華貫於今古群欽
梅萼之先春筆花爛熳語必驚人文彩縱
橫才疑天落人間異卉多被揄揚世上名
葩獨蒙題詠獨某未遭獎譽有外教培對
衆品以無顏向群芳而自媿切念某蓬蒿
陋質蒲柳凡姿無香致恨於淵材晚聘見
傷於黎舉然而春睡方酣憐生帝子曉粧

正懶愛出才人新紅塗抹自矜花裏神仙
香霧空濛不如曾家名友春敷華而秋逞
媚敢云志在春秋夜燒燭而日烘裳不謂
榮霑日夜高低千點赤煥若霞城深淺半
開紅爛同雲錦嫋嫋垂絲不類顛狂柳絮
亭亭貼梗肯隨輕薄桃花閨郎對景夕陽
吟謝却之篇思婦懷人秋日墮斷腸之淚
昌州獨覆羨他彩鳳宿深枝蜀地偏多任

弱騎人巢鐵幹屢辱群公之賜咏頌令弱
值以生輝雖執事不過一日之偶忘而世
人遂謂名公之見外是以特操木筆仰嫵
薇郎伏乞詢於芻蕘采其詩非賜以生花
之筆加以剪綵之工則雨露均沾不啻金
錢厚賚而襲藏益敬敢惜薇露名香某頓
首謹上